

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik
Departementet for Kultur, Uddannelse, Forskning og Kirke

Inatsisartunut ilaasortaq
Lene Knüppel
Demokraatit

19-03-2008
Sags.nr. 2008-005932
Dok.nr.42015
Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiip

Inatsiartunut ilaasortamut Lene Knüppel-imut, Demokraatineersumut, a-kissut

Inatsisartut suleriaasianni § 36, imm. 1 naapertorlugu 6. marts 2008 Naalakkersuisut Ilisimatusarfimmi siulersuisunngorlaanut ilaasortassanik toqqaaner at pillugu arlalinnik apeqquteqarputit.

Apeqqutit tulleriinnertik malillugu akineqassapput:

1. Ilisimatusarfiup innersuutigisaanniit Naalakkersuisut pingasuinnarnik toqqa-simanerannut suna pissutaava?

Akissut: Naalakkersuisut pisariaqarsoraat inuit, assersuutigalugu ilinniartitaanermi aningaasaqarneq, eskimologi aamma inuiaqatigiit pillugit isumalioqqissaarneq oqaluttuari-saanerlu pillugit immikkut ilisimasallit aamma Kalaallit Nunaanniit isiginneriasiliisinnasut, siulersuisuni ilaatinneqarnissaat. Kalaallit Nunaat pillugu immikkut ilisimasaqassuseq isiginneriasiliisinnanarlu Ilisimatusarfiup pituttuiffiunngitsumik inassutigisaaniinngimma-ta Naalakkersuisut inuit pingasut Ilisimatusarfiup inassutigisaannut ilaanngitsut tikkuar-paat.

/ilanngunneqarpoq *"Ilisimatusarfiup avataaniit Ilisimatusarfiup siulersuisunut ilaasortassatut inassutigumasaat"* 7. februar 2008 ullulerneqarsimasoq rektorimillu Aage Rydstrøm-Poulsen-imit atsiorneqarsimasoq.

2. Ilisimatusarfiup siunnersuutigisimasaasa saniatigut Naalakkersuisut toq-qarsimasaat pingasuusut sunik ilinniagaqarsimallutillu piginnaaneqarpat? - Naalakkersuisut toqarsimasaat inuit pingasuusut inuttut qanoq piginna saqar-tiginerat, suliffeqarfinnillu ataasiakkaanik ineriartortitsinerlutik atatillugu taama-tullu ilisimatusarnerlutik ilinniarnertigullu qanoq misilittagaqarnerat pillugu Naalakkersuisut assersuutissanik saqqimmiussaqaarsinnaa nerlutik? Ajornan-gippat nunanmi maani kiisalu nunani allani misilittagaat ilaatinneqarsinnaap-put.

Akissut: Suliamut tunngatillugu piginnaanerit makkua Naalakkersuisut inunnik ataani pineqartunik toqqaanerannut tunngaviupput:

Ilinniagaqarnermut tunngatillugu aningaasaqarnermik ilisimasalik Robert Mossing:

Cand. merc.-tut Københavnimi Handelshøjskolimiit 1982-imi soraarummeertoq, nunar-suaq tamakkerlugu aningaasaqarnermik immikkut ilinniagaqarluni. KIIN-imi immikkut siunnersortitut 2005-imiit atorfilik. Ilinniartitaanerit ilisimatusarnerlu pillugit naatsorsueq-qissaarnermut/aningaasaqarnermut tunngasutigut paasiniaaqqissaarnermik, aningaasa-qarnermut inatsisilerinerlutik il.il. suliartaqtoq. Danmarkimi Suliffimmi Avatangiisinut Institu-timi ilisimatuutut atorfeqarnikuuvoq aamma naalagaaffiup aningaasaqarnera naatsor-

sueqqissaarnermilu isummat tunngaviusut pillugit Københavnip Universitetiani avataaniit lektoritit ilinniartitsinermilu assistentitit atorfeqarsimalluni.

Naalakkersuisut ilimagisarivaat Robert Mossing-ip siulersuisuni sulinermini isummersoqataaffigisinnaasai ilaatigut tassaajumaartut, Kalaallit Nunaanni ilinniarfiit ingerlaqqiffiusut ilisimatusarnikkullu ingerlatsiviit aqunneqarnerat inerisarnerallu pillugit ilinniartitaanermi aningaasaqarnikkut immikkut ilisimasani.

Eskimolog Arnaq Grove: Roskilde Universitetscenterimiit qallunaat oqaasiinik atuakiaannillu cand.comm.-itut soraarummeernikoq Oqaasilerinermi, kalaallisut filologi-mik atuakkanillu ilisimatusarnermik Ph.D. Københavnip Universitetiani ilisimatuutut eskimologiimut Issittumilu ilisimatusarnermut Institutimi atorfilik.

Naalakkersuisut ilimagisarivaat Arnaq Grove-p siulersuisuni sulinermini isummersoqataaffigisinnaasai ilaatigut tassaajumaartut kaalaallit/inuit oqaasii, atuakiaat kulturalilu pillugit immikkut ilisimasani, kiisalu ilisimatusarnermik ilinniartitaanermilu ingerlatitseqqinnermik ilisimasani.

Filosof Mininnguaq Kleist:

2004-mi Århus Universitetimiit filosofiimi cand.mag-iginngorpq, immikkut sammisaralugu "Kalaallit Nunaanni namminersorneq imaluunniit namminiilivinneq – isummalioqqissaarnermut tunngatillgu qimerluuinerit". Folketingimi Atlantikup Avannaani Gruppip ilaasortaanut allatsitit atorfeqarnikuvoq. 2007-imi martsimiit Namminersorneq pillugu Allaffimmi Naalakkersuisut siulittaasuata Naalakkersuisoqarfianiittumi immikkoortortami pisortatut atorfeqarpoq.

Naalakkersuisut ilimagisarivaat Mininnguaq Kleistip siulersuisuni sulinermini isummersoqataaffigisinnaasai ilaatigut tassaajumaartut politikkimut-isummalioqqissaarnermut tunngatillgu immikkut ilisimasani isiginneriaatsillu makkununga tunngatillugu:

- Kalaallit Nunaanni inuiaqatigiinni pissutsit
- Kalaallit Nunaanni namminersuleriartorneq
- Naalagaaffiit inuiaallu pillugit inatsisit, tassunga ilaallutik tunngaviusumik inatsiliornermi pisartut namminersornerunermillu aaqqissuussinerit
- Kalaallit Nunaata naalagaaffeqatigiinnerullu oqaluttuassartaat

3. Ilisimatusarfimmi siulersuisunut ilaasortaanermut atatillugu ajunngit-sorsiassatigut inissisimanerit, tamakkualu qanoq annertutigineri ilanngullugit paasissutissiissu ticineqarsinnaappaat?

Akissut: Ilisimatusarfiup siulersuisuisa inissitsiterlutik ataatsimiinnermini 22. april 2008 pisussami aalajangissavaat siulersuisuni sulineq akissarsiaqaataassanersoq imaluunniit naamik.

Siulersuisunut akissaateqartitsinissamik qinnuteqaataajunnartuq siulersuisunit Naalakkersuisunut nassiunneqassaaq, tassangaanniillu Inatsisartut Aningaasaqarnermut Ataatsimiititaliaannut akuerisassatut saqqummiunneqassalluni.

Ilisimatusarfimmi siulersuisunut aningaasarsiarititassatut ilimagineqarsinnaasut tassaasapput ukiumut 70.000 kr siulittaasumut, siulersuisunilu ilaasortanut qulinut inummut ukiumullu 35.000 kr. Taamaassappat ilimagineqarpoq siulersuisunut aningaasartuutit ukiumut katillugit 420.000 kr-ussasut.

Inussiarnersumik inuulluaqqusillunga

Tommy Marø